

FLM

La Lettre Jèrriaise pouor Sanm'di lé 21 du mais d' Août 2021.

Bouanjour bouannes gens. Ch'est Françouais L'Maistre tch'a l'pliaïsi dé vos presenter la

Lettre Jèrriaise, aniet Sanm'di lé 21 du mais d' Août, 2021.

La dreine fais qué j'vos pâlis, j'vos dis entouor deux-trais dé mes expéthiencies comme mousse duthant la dgèrre en Jèrri.

Assa, nos m'a d'mandé si j'pouorrais vos raconter deux-trais autres histouaithes duthant chu temps-là.

J'm'en rappelles bein qué quand j'tions acouo à

La Frontièthe à Ste. Mathie,

l' fallait pliaichi des fis d'fé alentou du

bel lé sè tchi 'taient touos amathés à

un boutchet, pliein d'pierres, au haut d'la montée

au drièthe d'la maison. Eune niet, nos v'la

touos rêvilyis par un

grand frédas. Lé boutchet avait tchaie avaû la

montée! Tchitch'un avaient choppé sus iun des fis d'fé dans l'

bel. Né v'la man p'pée tchi fut d'houors pouor découvrit tch'

est qui 'tait par les c'mîns dans l'mitan d'la niet! Ma méthe,

man fréthe 'Douard, et mé, j' tions touos nous dans

la tchuîsinne a arrêter pouor vaie tch'est qui s'arriver? Et pis,

man p'pée rentrit dans la maison tout êffathué, sangnant à la tête

et nou viyait bein tchi n'tait pon trop raide. Auprès tchique te

mps, i' nous explyitchi qu'il avait trouver des prisonniers dé

dgèrre dans

la tchèrquéthie a mangi des vèrtes patates mâtées dans lus b

oêtes, pa'ce qu'ils avaient si faim! Quand i' les découvrit, ils eurent peur et poussèrent les boîtes mâtées pour tchaient sus man p'père et entre 500 et 600 boîtes furent drotchis sus

li. Ch'est pour chonna tchi 'tait bliessé. I' fut oblyigi de mâter les patates eune deuxième fois.

I' n'tait pon bein content, pa'ce qu'il fallait les mâter eune deuxième fois au sé auprès san travail. Enfin, i' s'dgêthit bein vite de san ma la tête, mais I' n'tait pon trop content avec les prisonniers tchi i'y avaient donné tant travail eune autre fois.

Quand j'tions à d'meuser à La Ferme à Vinchelez, tout près d'Portinfé, mes parents décident de garder un cochon dans

la cote à cochons dans l'haûgard en droite de la maison.

Quand tout 'tait prêt, le tueur de cochons vint dans la nuit et le cochon fut débité dans la

vielle étable pour ne faire pon de bruit. Les Allemands 'taient dans les berrées

à Plémeun et il' étaient bein ouï du bruit.

Mais, iou mettre le lard? Eh bein,

la maison avait 'té bâtie dans l'dix-septième siècle et pis la boulangerie dans l'dix-

huitième siècle quand i'y avait un tas de fraudeurs par

les c'mîns. Droite le grand fou, il' bâtissent eune cave sans porte dans

la boulangerie et nou n'savait pon tchi i'y avait un canichot de mûche là! Enfin, nou pouvait y'aller par eune trappe dans l'sol en dessus la boulangerie. Pour y'arriver, il'fallait bouger des bouîtes à patates tchi 'taient à mûche la trappe.

Assa, mes pathents mîntent tout l'lard là-d'dans et pis,
les préchains jours,
l' peuvent partagei tout l'lard parmi la fanmil'ye et
les vaîsins san qu'les Allemands
né soupçonitent rein! Duthant L'Otchupâtion, l'fallait qué to
uos l's animaux fûssent enregistrés auve les autorités et
i' fallait qué toutes les vacques, touos les couochons,
etc. fûssent abattus à l'Abbatoir. S'ils avaient 'té découverts,
mes pathents éthaient 'té mîns en prison pour eune volée.
Tchi risque! Quand-même qué lé couochon 'tait au côté d'la
Rue des Palliéthes, les Allemands
né l'avaient janmais ouï quand il' passaient dans
la ruelle touos les jours!
Eh bein, n'en v'la assez pour aniet.
Ayiz tous eune bouanne semaine et restez sauf. À bi.